

Sel Prestuhn
Henry B. Eyring

Mwet in Kahsruh Se Met
ke Prestuhnsi Se Met



Akacsruhi ke Wosasuc ke Inse Fototo

God El fah fihliyac mwet ahkoeyucklac uh nuh ke inkacnek luhn mwet kuhlwacnsap ahkoeyucklac Lal suc luhngse in akacsruhi ke wosasuc uh. Ma ingacn sikyak nuh sum ke moul lom sifacna an. Fususiyen sikyak la an wiwina ahkoo luhn nuhnak lom ac insiyom an.

Oasr kawuck se luhk suc pruhe lwen nuh kwewa in ohsun nuh sin sie mwet suc ahkoeyucklac in eis wosasuc uh. El us weluhl sie kapi ke Puk luhn Mormon uh. Ke fong met liki sie muhtwacta fototo lal, el sulaclah in tiac us sie kapi weluhl tuhsruhkhah sahyacna in us sie ipin pwe-puh in kihtakat. Tuhsruhkhah ke el ahkolah in som ah, sie mokleyuck ke nguhn tuhkuh nuh sel: “Us sie Puk luhn Mormon an wi kom.” El sang sie nuh lun pack lal ah.

Ke sie muhtwacn el etuh muhta siskacl ke muhtwacta sac, el nuhnkuh, “Kuh pa inge mwet sac?” El sifilpac weluhl fohlohk ke muhtwacta sac. El nuhnkuh, “Kuh nga ac sruhmuhn wosasuc uh fuhkah?”

Sahyacna, el fahk nuh sel, “Kom moli sie tahfuh singucul nuh ke alu lom ah, pwacye?” El fahk lah el moli. El fahk lah el enenuh in moli sie tahfuh singucul nuh ke alu lal ah tuhsruhkhah el tena. Na el siyuck, “Meac kom kuh in fahk nuh sihk ke Puk luhn Mormon?”

El ahkuhtweyac lah puk sac pa ma suhmuhslah, sie pac mwe lohoh ke Jisus Kraist, luhngasyucklac sel

Mwet Pahluh Joseph Smith. El atacn luhngkihn, oruh el saplakyang nuh lun pack se lal ah ac fahk, “Mokleyuck nga in us puk se inge wiyuc. Nga muh ma nuh sum.”

El muhtwacwacack in riti. Ke eltahl fahsrwelikh ah, el fahk, “Nga kom ac fah sulpac sramsram ke ma inge.”

Ma kawuck se luhk ah tiac kuh in etuh—tuhsruhkhah ma God *El* etuh—pa lah el suk ke sie alu. God El etuh lah el liye kawuck se luhk ah ac ke etuh lah efuh alu se lal ah oruh el arlac engan. God El etuh lah el ac fah siyuck ke Puk luhn Mormon ac lah el ac fah insese in lutiyuck sin misineri uh. El ahkoeyucklac. Oacpacna kawuck se luhk ah. Nga kom kuh pac in ahkoeyucklac.

Ahkoo se kuht enenuh uh oasr ke nuhnak lasr ac insiyacs. Muhtwacn sac lohng ac esamwack kahs ke Puk luhn Mormon, Alu fohlohkyak luhn Leum, ac masap in moli sie tahfuh singucul nuh sin God. Ac el puhlahack muhtwacwacyacn mwe lohoh pwacye uh ke insiyacl.

Leum El fahk lah El ac fah ahkkahlwemye ma pwacye nuh ke nuhnak lasr ac insiyacs sin Nguhn Muhtahl (liye D&C 8:2). Inkaiyen mwet kom ac fah ohsun nuh se uh ac oasr muhtwacwacyacn ahkolah sac la. Elos lohng kuh riti ke God ac kahs Lal. Fin insiyaclos fihsracsrsracs fal, eltahl ac puhla, finne srihklac, sie mwe ahkpwacye ke ma pwacye uh.

Muhtwacn sac ahkoeyucklac. Kawuck se luhk ah

pac, Mwet Luhlahlfongi ke Lwen-sahflah suc ma lutluti-kihn Puk luhn Mormon. El puhlakihn sie mwe loh lah ma se pwacye, ac el akihlen mwe kolyuck sin Nguhn in us sie kapi weluhl. El ahkoeyucklac ke nuhnak lal ac insiyacl.

God El ahkoo mwet uh in eis fahkwack luhlahlfongi lowos ke ma pwacye fohlohkyak uh. El enenuh luhlahlfongi lowos ac tok muhkwiwi lowos in tiac sahngweng in akacsruhi ma suc arulacna yohk srihpac nuh suwos ac nuh sin mwet kowos luhngse an.

Ahkolah in akacsruhi in nwacklah nuhnak lowos lwen nuh kwewa ke ma pwacye luhn wosasuc uh. Ke kowos liyacacng masap ac ahkfuhlwactye olwelah lowos uh, kowos ac fah puhla fahkwack luhlahlfongi luhn Nguhn ac yohkna nuh ke luhngse luhn Mwet Lango nuh suwos ac mwet kowos sun an.

Kowos fin oruh ip lowos an, ac fah yohkwaclihk eisyacn puhlakihn wowo lowos ke ohsun nuh sin mwet suc ahkoeyucklac in lohng fahkwack luhlahlfongi lowos ke ma pwacye—ituckyang ke inse fototo, lowos nuh selos.

LUTI KE PWENG SE INGE

Nuhnuh in riti pweng se yurin sucu an ac sramsramkihn pohloh kaks se tohkoh nuh ke ma sahflah se, ma Prestuhn Eyring el sramsramkihn ohiyac in ahkfokokoye fahkwack luhlahlfongi luhn sie mwet. Sramsramkihn yurin sucu an yohk srihpaciyacl oruh fahkwack luhlahlfongi ke akacsruhi ke wosasuc uh. Tuhlihk ke sucu an kuh in sokwack arlac kaksruh in srihke ohiyac oruh fahkwack luhlahlfongi nuh sin kawuck uh.

MWET FUHSR

Etuh Ma in Fahk uh

Kowos fin puhla muh kowos tiacna etuh fal ke wosa-suc uh in akacsruhi yurin mwet sahyac an, eis ahk-kweye ke olwelah inge ke ma suhmuhslah uh:

Leum El fahk lah kuht enenuh in sruhkwick puhsrwacs nuh sin mwet inge ac sruhmuhn nuhnak ma El sang nuh insiyacs uh, ac kuht fah tiac fohsack ye muhtuhn mwet uh.

Tuh ma kuht enenuh in fahk uh ac utuckuh nuh sesr ke ao sacna ac pacl sacna (liye D&C 100:5–6).

“Nguhn Muhtahl, el fah tuhkuh ac kaksrwe kowos, mweyen Pahpah El fah suhpwacma ke inek, el fah luti kowos ma nuh kwewa, ac oruh kowos in esamwack ma nuh kwewa ma Nga fahk tari nuh suwos.” (Jon 14:26)

Olwelah yohk pa inge, tuhsruhk in eis kac, kuht enenuh in oruh ip lasr uh. Ke pweng se inge, Prestuhn Eyring el luti kuht ohiyacn: “Ahkolah in akacsruhi ke [wosasuc uh] in nwacklah nuhnak lowos lwen nuh kwewa ke ma pwacye ke wosasuc uh.” Kuh meac kowos kuh in oruh in nwacklah nuhnak lowos an ke ma pwacye ke wosasuc uh?

TUHLIHK SRIHSRIHK

Ahkolah in Akacsruhi

Prestuhn Eyring el fahk lah sie inkacnek yohk srihpac in ahkolah in akacsruhi ke wosasuc uh pa in nwacklah nuhnak lasr uh ke ma pwacye ke wosasuc uh. Kuh meac kuhtuh ma ma kowos kuh in oruh in ahkolah in akacsruhi uh?



Luhlahfongi, Sucu,
Kahsruh

Enenuh Yohk Srihpac uh ac Kuhlwacnsap Ituckyang

Pruhe in lutlutkihn kuhfa inge ac, ke pacl fal an, sramsramkihn yurin tahmtahel ma kowos muhtwacta nuh yohroh an. Orekmakihh kihsen siyuck an in kahsrwe kowos ahkkweye tahmtahel wiyowos an ac in oruh Rilif Sosaiti in ip utuftuf se ke moul lowos sifacna an.

"Enenuh luhn mwet sahyac uh ac oasr pacl nuh kwewa," Prestuhn Thomas S. Monson el fahk, "ac kais sie sesr kuh in oruh sie ma in kahsruh sie mwet. . . . Tuh kuht fin tie sang kuhiyacsr in kuhlwacnsapuh mwet sahyac uh, oasr sie srihpac srihsrihk nuh ke moul lasr sifacna uh."¹

In oacna mwet forfor luti uh kuht kuh in tuhkuh nuh pwacye in etuh ac luhngse kais sie tahmtahel kuht muhtwacta yohroh uh. Kuhlwacnsap nuh sin mwet kuht muhtwacta yohroh uh ac fah fahsr fal ke luhngse lasr nuh selos uh (liye Jon 13:34–35).

Kuh kuht ac etuh fuhkah enenuh ke ma luhn nguhn ac mahno luhn tahmtahel wiyacsr uh kuht in muh kuh in sang kuhlwacnsap ke pacl enenweyuck uh? In oacna mwet forfor luti uh, lwelah nuh sesr in eis mokleyuck ke kuht pruhe ke mwet kuht muhtwacta yohroh uh.

Ahkfalyena ohsun ke pacl nuh kwewa yurin tahmtahel wiyacsr uh yohk srihpac pac. Muhtwacta la sifacna, pahng ke tacluhfon, sie mwe kahsruh in ahkkweye, e-mail

uh, pihtucki yohrohl, sie kahs in kahsruh pwacye, kahsrwel ke alu ah, kahsrwel ke pacl mas kuh enenuh, ac kuhtuh pac mukwikwi in kuhlwacnsap sahyac uh nuh kwewa kahsrwe kuht in liyacacng ac ahkfokokoye sie sin sie.²

Mwet forfor luti uh siyuckyuck se in ripohrti ohiyac, kuhtwena enenuh yohk srihpac luhn tahmtahel uh, ac kuhlwacnsap ituckyang nuh selos uh. Kain ripohrt ac kuhlwacnsap nuh sin tahmtahel wiyacsr inge ac fah kahsrwe kuht ahkkahlwemye ohiyen mwet tuhuma lutlut lasr uh.³

Ke Ma Suhmuhsrah uh

Jon 10:14–16; 3 Nephi 17:7, 9; Moroni 6:3–4

Ke Sramsram Mahtuh Lasr

Kuhlwacnsapuh sie sin sie kwacna pa yohk srihpac ke forfor luti uh. Ke kuhlwacnsap orek inge kuht us kuhlwacng ac akawucki ma yohk likina muhtwacta ke kais sie mahlwem uh. Luhngse lasr uh pa acwac uh.

"Kena luhk pa in ngihstre sin

tahmtahel wiyacsr uh in tui tilac elyah ke sie pahng ke tacluhfon kuh sie muhtwacta ke kohtoh kuh mahlwem nuh kwewa uh," Mary Ellen Smoot el fahk, prestuhn luhlahp ahksingucul tolu ke U luhn Muhtwacn in Kahsruh uh. El siyuck sesr in "lohacng yohkna nuh ke tuhfweyacn nguha fuhsr uh."⁴

Prestuhn Spencer W. Kimball (1895–1985) el luti, "Yohk srihpac tuh kuht in kuhlwacnsapuh sie sin sie ke tohkohsrahi uh." Tuh el akihlen lah tiac kuhlwacnsap nuh kwewa enenuh in yohk. "Puhs pacl, mukwikwi in kuhlwacnsap lasr uh oreklac ke ahkkweye fihswacsr kuh ke sang . . . kahsruh ke orekma fal uh," el fahk, "tuhsruhkwacta wolacna fuhkah kuh in tuhkuh . . . ke orekma srihk tuhsruhktuh sollac uh!"⁵

MWE KAHSRUH

1. Thomas S. Monson, "What Have I Done for Someone Today?" *Liahona*, Nohfohmpuh 2009, 85.
2. *Liye Handbook 2: Administering the Church* (2010), 9.5.1.
3. *Liye Handbook 2*, 9.5.4.
4. Mary Ellen Smoot, ke *Daughters in My Kingdom: The History and Work of Relief Society* (2011), 117.
5. *Teachings of Presidents of the Church: Spencer W. Kimball* (2006), 82.

Meac Nga Kuh In Oruh Uh?

1. Yac nga suk mokleyuck luhk sifacna in etuh ohiyacn top nuh ke enenuh ke ma luhn nguhn ac mahno luhn kais sie tahmtahel kuneyucki nuh sihk in karihngihn uh?

2. Tahmtahel nga karihngihn uh etuh fuhkah lah nga luhngse elos ac sucu lalos uh?

Nuh ke kuhtuh pac ma in etuh,
som nuh ke reliefsociety.lds.org.